



Gratis Distribution

SIRD & PR MIZORAM NEWSLETTER

Vol. XV Issue No. 7 July, 2024 : Monthly SIRD & PR Newsletter, Mizoram : Aizawl

LAWRKHAWM

◀ Ni 4.7.2024 khan Chennai, Tamil Nadu-ah **“Central Empowered Committee” of Revamped RGSA Meeting** wawi 5-na neih a ni a, he Meeting-ah hian SIRD&PR, Mizoram a t̄angin Dr. MS Dawngliani, Associate Professor leh Dr. Khuangthansanga Pakhuangte, Associate Professor te an tel a ni.

◀ Ni 3-5.7.2024 khan National Institute of Disaster Management (NIDM), MHA, Govt. of India buatsaih ni 3 chhung aw h **“Social and Behaviour Change Communication (SBCC)”** training-ah Pu B. Lalpuia, Head Faculty, DPRC, Mamit leh Pu Vanlalhruaia Ralte, Head Faculty, DPRC, Serchhip-te an tel a ni.

◀ June, 2024 thla tawp lam khan SBM-G leh JJM Mizorama kalpui chung-chang zirchianna atan Process Evaluation - Lungdai, West Lungdar, Reiek, Ailawng, Vaphai, Kelkang, Mualkawi, Ngur leh Samthang khua-ah te neih niin, WATSAN Committee-te nen inkawmhona neih a ni.

RD Minister-in Training on Short Course for Mason (Construction) of Saitual District hawng

Rural Development Minister Prof. Lalnilawma, Bialtu MLA ni baw k chuan ni 5.7.2024 khan State Institute of Rural Development Panchayati Raj (SIRD&PR), Mizoram buatsaih **“Training on Short Course for Mason (Construction) of Saitual District”** chu DC Conference Hall, Saitualah a hawng.



Training hawmna hun Pi Ethel Rothangpuii, Director, SIRD&PR kaihhruaiah hian Khuallian Prof. Lalnilawma chuan thu sawiin, kawng engkimah zirna leh thiamna hian tawp-in-tai a neilo a ti a, SIRD te pawhin awmlo ata awma kawng an dap chu lawmawm a tih thu sawiin mistiri-te chu tunlai changkanna mila in her rem thiam tur leh tunlai thiamnain a ken tel map leh draw-

ing thlenga en thiam tura in-update zel turin a chah a, he training pawh hi aite chhinna ang-ah ngaia heng bakah hian electric wiring, plumb-ing leh welding te thlenga tih theih dan kawng dap zel theih a nih thu a sawi. Minister chuan trainee-te chu hlawk taka hmanga Govt. Approved Certificate nei ngei turin duhsakna a hlan nghal baw k a ni.

Pi Ethel Rothangpuii, Director, SIRD&PR chuan training chungga theihtawp chhhuah turin training nei tura kalkhawmte a chah a. Saitual District chu Mistiri intodelh khua (Phek 2-na-ah zawmna)



Editor-in-Chief: Ethel Rothangpuii, Director
Editor: Lalchandama Lailung, Core Faculty (IT)
Jt. Editor : Malsawmdawngliana, IECM
Cir. Manager : Zothantluanga, IEC Facilitator

Editorial: 

KHUAREL CHHIATNA

Kan ram hi tlangram, leilung nghet lo tak tak tamna leh ruahtui tamna a nih avangin Khuarel chhiatna chi hrang hrang - a bikin leimin leh lei tawlh avanga chhiatna leh harsatna kan tawk ta fo mai a, chuvangin, heng chhiatna lakah hian kan nunna hlu tak leh kan in leh lo, kan lirthei te kan chan lohna turin kan fimkhur leh zual a t̄ul hle a ni.

Khuarel chhiatna kan tihruah hian mihringin a kan siamchawp leh kan fimkhur tawkloh avanga harsatna leh chhiatna thleng a awm fo bawh thin a. Chuvangin, khawtlang hruaitute pawhin kan huamchhunga chhiatna leh harsatna thlen thei tur thil a awm a nih chuan nasa zawka hma kan lak a, kan vil fo a t̄ul hle awm e.

Thing leh mau, kan ramngawte kan tichereu nasa lutuk hian chhiatna chi hrang hrang min thlen mek bawh niin a lang a, chuvangin, kan ram thing leh mau te i humhalh zel ang u. Tin, tui luankawr kan ngai pawimawh tawk lo te, tuichhe paihna kan ngaihthah lutuk te, kan insakna tur leh kawng tur kan laihna ah kan fimkhur tawk loh avangin te in leimin/leitawlh kan tawk a, harsatna leh chhiatna min thlen nasa ta hle mai....i fimkhur leh zual teh ang u.

Khuarel chhiatna emaw mihringin kan siamchawp chhiatna pawh ni sela, heng avanga nunna hlu tak te kan chanloh nan te, kan in leh lo, sum leh pai tam tak seng a, hah taka kan dinte a tihchhiatloh nan te leh kan thil hlu tak tak kan chan loh nen heng harsatna pumpelh tur hian sorkar thuneitute, khawtlang hruaitute, in satute/contractor-te leh mipuite kan zavaiin kan fimkhur tlan a, thu kan awih a pawimawh hle a ni tih i hre thar theuh ang u.

(phek 1-na ami chhuzawmna)
RD Minister-in Training on Short Course for Mason (Construction) of Saitual District hawng

an nih ang ngei a, district dangte entawn tura tan la thar zel turin a chah a, SIRD chu Govt Approved Institution niin participant-te chu NSQF Level IV certificate an pek tur thu a sawi bawh.



Dr. Lalngura Tlau, DC, Saitual pawhin thusawiin, he programme buatsaihtu SIRD&PR te chungah lawmthu a sawi a, mistiri training-a lo tel te chu vai mistiri-te nena tehkhin fo an nih thin thu sawiin teirei peihna te, chhelna te leh dawhtheihna kawngah te theih tawp chhuah thar turin a chah a ni.



Training hawwna-ah hian Dr. Khawlsiamthanga Khawlhring, Associate Prof., SIRD&PR chuan inlawmna thu sawiin, Er. C. Lalhlansanga, Core Faculty, SIRD&PR, he training Course Director ni bawh chuan training neih dan tur leh an zir tur tlangpui sawina a nei a, Pu H. Vanlalawma, President, Saitual District Mistiri Association leh Pu R. Lalruatkima, President, YMA Sub-Headquarters te pawhin fuihna thu an sawi a, Pi PC. Zonuntluangi, PD, DRDO, Saitual District chuan lawmthu sawiin hun a khar a ni. He hunah hian MASON (Mistiri) 27 telin, mistiri bungrua (Mason kit) pek an ni bawh.



RD Minister-in Project Rotling – Hmasawna Rahbi Thar tlangzarh

MGNREGS hnuaiia hmalakna thar “Project Rotling – Hmasawna Rahbi Thar” chu RD Minister Prof. Lalnilawma’n MLA Conference Hall, Annexe Building, Treasury Square-ah ni 27.6.2024 khan a tlangzarh a, hemi rual hian he project vil zuina tur portal leh MzSRLM hnuaiia Self-Help Group-te hlawhtlinna lehkhabu a tlangzarh bawk.

Prof. Lalnilawma chuan “Project Rotling – Hmasawna Rahbi Thar” hi thawhhona tha tak hnuaiia kalpui tur chi a ni a, hmalakna thar “Pilot Project” a nih vangin hmalakna tur atana thlan chhuahte chu entawntlaka hlawhtlinpui ngei a ngai a ni, a ti a. Kan hlawhtlin chuan hun lo kal zel turah pawh chhonzawm a phurawm dawn a, State dangte pawhin an rawn entawn a, an rawn zirchian tlaka thawh a tul tih sawiin documentation chung-changah pawh fimkhur tak leh kimchang taka hma la turin official-te leh VC-te a chah bawk a ni.

Minister chuan he project hi awm lo ata rawn awm thar a ni lova, awmsa ata mumal leh tangkai zawka hmalakna tur a ni a ti a. MGNREGS hnuaiia hmalakna kal mek bakah a tha lehzuol a, danglamna thlen tura ke penna a ni tih a sawi a. Department hrang hrang atanga official pawimawh lo kalte pawh theihtawp chhuaaha an tel ve theihna project-ah chuan phur leh thatho taka tel turin a sawm bawk a ni.

He Project hi Mizoram chhunga RD Block 28-te inelna a ni a, he project hnuaiia hian Short Term Project (kum 1 chhunga thawh zawh tur), Medium Term Project (kum 2/3 chhunga thawh zawh tur) leh Long Term Project (kum 5 chhunga thawh zawh tur) a ni a, RD Block 28 atangin concept paper 84 a lut a, hengte hi District tinah a bialtu Project Director-ten an endik hnuah State-Level Expert Panel-in project 27 an thlang chhuak a, heta tang hian RD Minister kaihhruai State-Level Monitoring Committee-in project 15-ah an lo thlifim leh a ni.

Short Term Project hnuaiia hian Project 5 thlanchhuah a ni a, chungte chu :

1. Lunglei RD Block – Overall Sustainable Development at Sairep Village
2. Khawbung RD Block – Project Sustainable Livelihood through Ericulture at Chingzawl Ram
3. Reiek RD Block – Green Tourism & Clean Energy

at tourism Village Reiek & Ailawng (Integrated Watershed Development for Tlawng River Rejuvenation)

4. Bilkhawthlir RD Block – Construction of Arecanut Plate Making and Market Building at Bilkhawthlir South Village

5. Lawngtlai RD Block – Water Conservation-cum-Soil Erosion Control at Tuiphal River, Chandmary Village

Medium Term Project hnuaiia hian Project 5 thlanchhuah a ni a, chungte chu :

1. West Phaileng RD Block – Multipurpose Mega Pond

2. Siaha RD Block – Common Facility Center (CFC) at Kawlchaw East Village

3. Khawzawl RD Block – Empowering Job Card Holders through Banana Cluster Cultivation at Rabung, Khualen & Aiduzawl Villages

4. Phullen RD Block – Ginger Processing Unit

5. Khawbung RD Block – Preparation of Productive Vegetable Farm at Buhtang Zawl and Khiangpui Zawl, Bungzung

Long Term Project hnuaiia hian Project 5 thlanchhuah a ni a, chungte chu :

1. Hnahthial RD Block – Comprehensive Sustainable Cluster Farming at Hnahhriphai Zau

2. Kawrtethawveng RD Block – Construction of Rainwater Harvesting Tank/Concrete Pond (1.5-1.8 litres) at Kawrtethawveng Tennis Court

3. Reiek RD Block – Mission Reiek Turmeric; The Golden Spice of Mizoram (Cluster Turmeric Cultivation, Processing and Market Chain Development; An Integrated Development of Tlawng Watershed Area under Reiek RD Block)

4. Siaha RD Block – Sustainable and holistic Development of Agriculture & Allied at Lobo (Lungbun) Village

5. Thingdawl RD Block – Value Addition of Arecanut in Thingdawl (Boosting Forward Linkage and Improving the Socio-Economic Status of Rural Farmers)

Heng project thlanchhuahte hnenah hian sum hman tur first installment a semchhuak nghal a ni.

He Project hawna inkhawm-ah hian Pu R. Zarzosanga, Comm. & Secretary chuan inlawmna thu a sawi a, Jt. Secretary, RD Pu Paul L. Khuma’n report pe in, Project winner-te a puang a, W. Chhuanawma, Dy. Govt. Chief Whip pawhin thu sawiin, Expert Panel Member Dr. James LT Thanga, Associate Professor, MZU-in fuihna thu a sawi a, Pu Lalvenhima, Dy. Secretary, RD-in lawmthu sawina neiin a khar a ni.

HRUAITU ṬHA

- Lalchhandama Lailung,
Core Faculty (IT),
SIRD&PR, Mizoram.

Mihring hi mahni chauha awm tura siam kan ni lo tih chu kan hre vek awm e; chutihruai chuan kaihruaitu bik awm tura siam kan ni. Thu nei an tam chuan rorel fel a harsa ṭhin a, hruaitu deuh bik an awm loh chuan chhungkaw inkaihhraina te, kohhran kalphung te, khawtlang zia te a sai sa duh hle.

“Mi tin an chung a roreltute thu thuin awm rawh se. Pathian thu loin tumah roreltu an awm si lo; roreltua awmte hi Pathian ruat an ni” ~ Rom 13:1

Chuti anih si chuan hruaitu ṭha neih leh neihloh ah pawl hmasawna thui tak a inngat thei dawn ta a ni. Sap tawnga ‘LEADER’ kan han tih mai hi han bih chiang dawn i la. ‘FOOTBALLER’ chuan football a khel ṭhin a, ‘SPEAKER’ chuan thu a sawi (speak) ṭhin a. Hetiang sap thumal kalhmang nena han khaikhin hian a thumal tawpa ‘ER’ lai hi kan paih chuan ‘LEADER’ chuan a sap tawng takin a ‘LEAD’ tur a ni tih a kaw k ta daih mai le. Hotu ber tih lam emaw, thuneitu ber tih lam emaw, chak ber tih lam emaw a kaw k ta miahlo mai; hruaitu ber emaw, kaihruaitu emaw, sulsutu tih emaw a kaw k ta daih tihna a nih chu. Hruaitu ṭha ni tur chuan thil pawimawh tam tak a awm thei. Tun atan chuan a pawimawh leh langsar zual pathum sawi zau kan tum dawn a ni.

Pakhatna-ah chuan mahni inrintaw kna rilru put hi a ni. Khawvela mi cheng zawng zawng rilru put hmang leh ngaih pawimawh zawng a inanglo ang baw k hian hruaitu ṭha kan tehna te a inanglo nuaih ang. Chutihruai chuan tar upa ber aṭanga naupang sikul kal thei ṭantir te hnenah, “Ramsa-ah hian tunge Leader?”, han ti ila; mi zawng zawng deuh thaw in ‘Sakei’ an ti ṭhin. Anih chuan Sakei chu eng tak hian nge Leader nihtir ta ang le? A thahrui ang zawngin han teh se sai a chak zaw k baw k si; thluak hman thiam zawngin teh se sihal te an fng zaw k baw k si; tui lamah sangha an ṭha zaw k fe a, thingkung lamah zawng a tluklo baw k si. He thil aṭanga lang chiang ta em em mai chu Hruaitu ṭha ni tur hian sek ber leh chak ber nih kher a ngailo a, lehkha thiam ber leh zir sang ber nih kher a ṭul lo baw k. Sakei chu amah a inring taw k em em a, a rilru put hmang (attitude) hian khawvel mit hmuhah a tilang hruaitu ber zaw k a ni. Chuvangin, pawl-ah emaw, khawtlanga-ah emaw hruaitu pawimawh ilo

nih chuan lehkha zir sang lo pawh ni la, kum lama la naupang tak pawh ni la, nangmah leh nangmah i inrin taw k phaw t chuan i rilru put hmangah a lo lang chhuak ang a; chu chuan hruaitu ṭha a nihtir thei zaw k dawn che a ni.

Pahnihna-ah chuan hruaitu ṭha ni tur chuan hmahlir (vision) mumal tak neih a ngai a ni. Kristian chuan a hmahlir ber chu Vanram kai a ni. Inkhawm te, ṭawngṭai te, thil ṭha tih te leh Bible-a Kristian awm dan tur a tih zawng zawng hi kan zawm tlatna chhan ber chu he khawvela kan nun a tawp hunah Vanram kan kai theih nan vek a lo ni. Kristian-in a hmahlir chu Vanram kai a ni tih a chiang ang baw k hian hruaitu chuan a pawl hruai thlen a tumna hmahlir mumal tak a neih a ngai a ni. Hmahlir mumal neilo chuan ke penna lam tur a hre thei ṭhin lo. A rem lam lamah pawl dang tih dan entaw nin pawl a hruai a; an pawl a chak theihloh phah ṭhin a. Midang tihdan entaw na pawl hruai a nih tlat avangin pawl dangin thil thar ṭha zaw k an tihchhuah hma chuan hmasawna rabhi thar an rap thei ṭhin lo. Chuvangin, pawl hruaitu ṭha chuan hmahlir mumal tak a nei tur a ni.

A tawp ber atan chuan mihring kaihhrui harsat zia hriatthiam a ngai a ni. Meizial zu te, sahdah hmuam te, zu in te thleng pawh hian, “Nghei i tum ve tawh reng reng em?”, tiin han zaw t ila, “Tum tawh e”, an ti deuh vek zel. An thil chin ṭhalo tak nghei an duh em em chu nghei hmak thei tur chuan Pathian tih lohah anmahni an thu ber a. Mahse, chuti taka anmahni taksa ngei pawh an duh ngawih ngawih anga an thunun theih siloh chuan midang va thunun phe chu a let tam takin a harsa tih an hriatthiam a ngai a ni. Hei hi pawla zuitute thiamloh em em pawh a ni lo thei. Pathianin mize inanglo ṭheuhin min siam a, *(phek leh lamah zawmna)*

(*phok lehlam ami chhonzawmna*)

HRUAITU ṬHA

thusawi inang reng pawh mitin in an dawnawm dan a inang ṭhin lo. Chuvangin, he harsatna hi hruaitu-in a hriatthiam loh chuan pawl kaihhruai a tumna kawngah nasa takin amah a vaw let palh thei a. Ṭhahnem ngai taka pawl tana hah taka alo tih ve pawh tuten emaw an lo sawisel a, hma an lakpui peihloh chuan pawl tana a ṭhahnem ngaihna zawng zawng a bo phah ve thei.

Heng kan sawi tak bakah hian hruaitu ṭha ni tura pawimawh tam tak a la awm ang. Engpawh nise heng pathumte hi a langsar zual leh zawm awlsam zual an ni a. Hruaitu an ṭhat phawt chuan pawlin an ṭhat phah a, pawl an ṭhat chuan khawtlang an ṭha chho a, khawtlang an ṭhat chuan ram alo ṭha ṭhin. Hruaitu hi kan ni vek thei kherlo pawh a ni mai thei e, mahse hruai ṭhatu chu kan ni vek thei a ni.

*“Mi zawng zawngin khawvel siamṭhat an duh,
mahse, tumah mahni insiamṭha peih an awm si lo”*

~ Leo Tolstoy

LADC VC Election result

Lai Autonomous District Council (LADC) huam chhunga VC 98-ah ni 27.6.2024 khan Inthlanpui tluang taka neih niin, vote thlak zawh fel hnuah vote tlate hi chhiar nghal a ni.

LADC-a VC 99 awm zingah 46-Hmawng-buchhuah VC-ah chuan inthlan chuh tura endikna paltlang zo an awm lo a, 29-Saikhawthlir VC-a seat 5 awmah chuhtu 5 (INC 1 leh ZPM 4) awmin, khingtu dang an awm loh avangin inthlan buatsaih ngai lo-a tlinga puan an ni a. 37-Karlui-I, 38-Karlui-II leh 51-Sabualtlang VC-ahte chuan reserved seat-ah chuhtu pakhat ṭheuh (ZPM candidate 2 leh MNF candidate 1) awmin, khingtu awm lo-a tlinga puan an ni bawh a. Inthlan vote thlak hi VC 97-a seat 582 (general 488 leh reserved 94) atan kalpui a ni.

He VC inthlanpui-ah hian ZPM-in seat 246 lain, VC 38-ah hnehna an chang a; MNF chuan seat 192 lain, VC 25-ah hnehna an chang a; INC chuan seat 102 lain, VC 12-ah hnehna an chang a; BJP chuan seat 7 lain, VC siamna an nei lo va; Independent candidate-te'n seat 43 lain, VC khata seat zatve aia tam lakna VC 1 an nei a; party mala VC din thei (majority) awm lohna VC 22 a awm bawh.

Minister hovin ṭhukhawm

Ni 25.6.2024 khan MINECO Secretariat Conference Hall-ah Pu C. Lalsawivunga, LAD Minister hovin The Mizoram (Village Councils) Bill 2024 chungchang ngaihtuaha ṭhukhawm a ni.



Meeting kaihruiatu LAD Minister chuan VC Bill 2024 chungchanga ngaihdan leh rawtna siam tura kal khawmte chungah lawmthu a sawi a. VC-te tha tichak a, khawtlang inrelbawlina changtlung zawk kan neih theih nana an ngaihdan sawi turin a sawm a ni.

Meeting-ah hian VC-te chu The Lushai Hills District (Village Councils) Act 1953 hnuai inenkawl an la ni a, he dan hi a hlui tawh avang leh kan khawtlangin kan mamawh tawh lem loh a tam bakah thil thar belh tur leh tihdanglam tur a awm tawh avanga he VC Draft Bill 2024 hi lo irhchhuak a nih thu tarlan a ni a. VC member-a hmeichhe reservation leh VC term rei zawng chungchang sawiho a ni bawh.

He draft bill chungchang inrawnkhawmna-ah hian VC member-te tam zawng hi household based ni lovin population based a kalpui ni tawh se tih a ni. VC Secretary atan hian Sorkar hnathawk angin special recruitment awm thei se tih a ni bawh. Meeting-ah hian VC ṭhiah hun, ṭhiah dan leh an hnathawh tur bakah an thuneih dan turte sawiho a ni bawh.

He dan hi Assembly-in a pass hunah Municipalities, Lai, Mara, leh Chakma ADC huam lovin Mizoram pumah hman tur a ni ang. He ṭhukhawmah hian member te'n ngaihdan leh duhdan an neihte sawi vek sen a nih loh avangin LAD Secretary hnenah an ngaihdante ziaka thlen a, Drafting Committee-in a khaikhawm a tan tih a ni a. Chumi atanga thla khat hnuah ṭhukhawm leh nise tih a ni bawh.

He ṭhukhawmah hian Political Party hrang hrang aiawh, MUP, Central YMA, All Mizoram VC Association, khawtlang inrelbawlina lama mithiam Pensioners aiawhte, Drafting Committee Member, LAD Secretary bakah LAD Official-te an tel a ni.

Ni 20.6.2024 - 10.7.2024 chhunga Training neihte



Trg. on Post-Harvest Processing for Rural Women for Livelihoods Enhancement in collaboration with KVK, Selesih @ Lungdai. Course Director: Dr. Margaret Lalbiakthangi, Associate Professor, SIRD&PR



Trg. on Capacity Building for Watershed Development Team under PMKSY-WC @ SIRD&PR. Course Director: Dr. MS Dawngliani, Associate Professor, SIRD&PR.

RD Minister-in hawng

Ni 9.7.2024 khan Central sawrkar (NITI Aayog) hmalakna Aspirational District huum chhunga Block thlan chhuah Ngopa RD Block-a thla thum chhung hmalakna tur, **Sampoornata Abhiyan** chu RD Minister Prof. Lalnilawma'n Govt. Saitual College Auditorium-ah a hawng.



Pu Lallawmawma, Addl. DC, Saitual District kaihhruihian hian Minister chuan Sampoornata Abhiyan tihlawhtling turin line department-te chu thawhhona leh inlungualna tha an neih phawt chuan an hmachhawpte an tihlawhtlin ngei a rin thu sawiin, scheme awmsa hrang hrangte tihlawhtling turin department chak lohna lai indawm kang tawn tura chahin, midangte entawn tlak (Inspirational Block) kan nih ngei theih nan i tangrual ang u, tiin kalkhawmte a sawm a ni. Minister chuan ama enkawl lai RD, PHE leh Horticulture Department te pawhin thawhona leh tanhona tha (Convergence & Collaboration) nen inelna thianghlimin bul an tan mek tih a sawi bawk.

Saitual District Bawrhsap Dr. Lalingura Tlau chuan Sampoornata Abhiyan sawi hawna leh thil tum tlangpuite a tarlang a, hmasawna tehfung hrang hrang hnuai hmbak la awmte a sawifiah bawk a ni.



Trg. on Office Procedure Khawbung RD block @ Khawbung. Course Director: Er. C. Lalthlansanga Core Faculty, SIRD&PR.



Trg. on Hygienic Meat Production Practices for Meat Handlers for Food Safety to the Consumers in Aizawl @ CVSc& AH, Selesih. Course Director: Dr. Lalhruiatuangi Sailo, Sr. Core Faculty, SIRD&PR.



Trg. on Soap Making for SHG members of Reiek RD Block @ BDO Conference Hall, Reiek. Course Director: Dr. Margaret Lalbiakthangi, Associate Professor, SIRD&PR.

RD Minister-in tlawh

Ni 1.7.2024 khan Prof. Lalnilawma, RD Minister chuan DRDO Office, Lunglei a tlawh a. Project Director, DRDO Lunglei Pi ST. Lalvensangi leh a thawhpuite'n lo dawng-sawngin, RD Department hnuai a thawktute nen meeting neih a ni.



Minister chuan Rural Development Department chu thingtlang mite tan thawk an nih angin theihtawp chhuah chhonzawm zel turin a chah a. Mizorama MGNREGS kalphung hi thlak danglam hret a tul thu leh chu chu chonaa kan ngaih theuh a tul thu a sawi a. Tuihna humhalh pawimawhna leh hemi atan hian 'Project Tuihna – Dam khawchhuahna' ruahman mek a nih thu leh Lunglei atang ngeia Launch tur a nih thu a tarlang bawh.

SAGY chungchangah thukhawm

Ni 10.7.2024 khan DRDO Conference Hall, DRDO Office, Khatla ah MP (LS) Pu Richard Vanlalhmangaiha leh MP (RS) Pu K. Vanlalvena te hovin District Level Committee on Sansad Adarsh Gram Yojana (SAGY) Phase IV, Muallungthu khua leh Phase V, Ratu khua chu an thukhawm. Heng khua model village 2-a hmasawna hnathawh tur lo duan lawk tawh 'Village Development Plan' bawhzui dan leh an tun dinhmun te chik taka sawiho a ni.

Ratu khua hi Rajya Sabha MP Pu K. Vanlalvena'n Model Village a thlan zinga mi a ni a. Muallungthu hi Lok Sabha MP hmasa Pu C. Lalrosanga'n Model Village atana a thlan zing a mi a ni bawh.



Ni 19.6.2024 khan NIRD&PR, Hyderabad-ah "National Workshop on upgrading skills on preparation of Training Calendar for CB&T under Revamped RGSA" neih a ni a, he Workshop-ah hian Pu K. David Lalthanmawia, Faculty, SPRC leh Pu K. Vanlaldika, Head Faculty, Lawngtlai-te an tel a ni.

LAD Minister-in tlawh

Local Administration Department (LAD) Minister Pu C. Lalsawivunga chuan ni 17.6.2024 khan Champhai khawpui chhunga LAD Office leh hmunhma pawimawhte tlawhin a enfiah.



LAD Minister hian Champhai Kahrawt Venga LAD Office tlawhin thawktute a kawm a. Office mamawh thlente pawh enfiahin a tul angte lo enzui a tum thu a hrilh a. Champhai Vengsang PHE Venga LAD ram pawh tlawhin tangkai taka hman dan turte a sawipui a. Hemi hnu hian New Champhaia VC Rest House pawh tlawhin tun aia changtlung zawka cheibawl leh tangkai taka hman dan turte enfiahin, tul angte department hotute a sawipui bawh.

LAD Department thawktute a kawmnaah LAD Minister Pu C. Lalsawivunga chuan Office kalphung siamthat ngai leh aikal lak chungchangah sawrkarin theihtawp chhuaha hma a lak thu sawiin, sawrkar hmalaknate tha taka thlawp turin a chah a. Thawktu indaihlohnate engemawchen puhru turin sawrkarin a remchan dan ang zela hma a lak thu a sawi a. Department hmunhma tha tak takte tangkai zawka hman a nih theih nan inrawnkhawm chung a ngaihtuahna sen tlan a tul thu sawiin, infinchhuahtawn chung zela hmalak tlan a pawimawh thu a sawi bawh.

RD Minister-in SIRD&PR Staff Welfare Association General Body Meeting hmanpui

Ni 4.7.2024 khan State Institute of Rural Development & Panchayati Raj (SIRD&PR) Staff Welfare Association General Body Meeting, SIRD & PR Auditorium, Durtlang Leitan, Aizawl a neih ah Prof. Lalnilawma, Minister, RD Department chuan khuallian niin a hmanpui.



Er. C. Lalhlansanga, President, Staff Welfare Association kaihhruai-ah hian RD Minister Prof. Lalnilawma chuan Mizoram-

a SIRD&PR din a nih dan sawiin, thingtlang lam tihhmasawna hmanraw tangkai tak a nih thu a sawi a. Thingtlang khawsak dinhmun chawikang tura mawhphurhna kan neihte chu chona angai a, phur taka thawk turin Staff Welfare member kalkhawmte a fuih. ETC leh DPRC-te chu mipuiin thiamna hmantlak an zirchhuahna hmun atana ruahman a nih angin khawtlang hmasawna thlen thei tur mi tangkai chherchhuah tum turin thawktute a chah a. Kan theihna zawn theuh ah midang tanpui tur a kan inpeih reng a pawimawh thu a sawi bawk a ni. Prof. Lalnilawma chuan SIRD & PR Staff Welfare Association-in kokim taka General Body Meeting an nei thei chu lawmawm a tih thu sawiin mipui tan a rawngbawltu an ni tih hre reng turin leh thawhhona tha tak nei zel turin duhsakna a hlan a ni.



Pi Ethel Rothangpuii, Director, SIRD & PR Mizoram hnen atangin hmalakna hrang hrangte ngaihthlak a ni a. SIRD&PR Faculty-te chu intuaihriam reng tura chahin, Centre tin atangin Research tangkai kalpui theuh turin leh ram leilung hausakna humhalh kawngah zirtirna kalpui uar turin a chah a ni.

ETC leh DPRC dinhmun leh hmachhawpte PowerPoint Presentation hmangin tarlan a ni a. Dr. Khawlsiamthanga Khawlhriing, Associate Professor, SIRD&PR chuan lawmthu sawina hun a hman bawk a ni.

Chawhma lam-ah Staff Welfare Association hruaitu thar thlanna leh rorelna hun hman niin, SIRD & PR Staff Welfare Association inkaihhruai-na Dante ennawn a ni a. SIRD&PR, Durtlang Leitan, ETC leh DPRC hrang hranga thawktute Welfare Association pakhat-a inchhunkhawm hnu a General Body Meeting hmasa ber a ni a, Kum 2024-2025 chhunga hruaitu tur thlanna neih a ni bawk.

He hunah hian SIRD & PR, Durtlang Leitan-a thawkte leh Extension Training Centre (ETC)-Pukpui, Thingsulthliah, Kolasib leh District Panchayat Resource Centre (DPRC) - Serchhip, Champhai, Mamit, Lawngtlai leh Siaha-a thawkte an tel a ni.



Published by Ethel Rothangpuii on behalf of State Institute of Rural Development & Panchayati Raj, Mizoram, Durtlang Leitan, PIN - 796015.

Phone : (0389) - 2362551; e-mail: dirdsirdmz@gmail.com; Website: sirdpr.mizoram.gov.in.
facebook.com/SIRDPRMizoram; instagram.com/sirdpr_mizoram; youtube.com/user/dirdsirdmz.

Funded under RGSA through Local Administration Department (LAD), Govt. of Mizoram.

Printed at Ebenezer Offset, Luangmual, Aizawl.